

Broj: 01-04-2- 233/2020

Sarajevo, 10.04., 2020. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te odredbi člana 70. stav (3) Zakona o javnim nabavkama („Službeni glasnik BiH“, broj 39/14), v.d. direktora Fonda za zaštitu okoliša Federacije BiH donosi sljedeću

ODLUKU
o izboru najpovoljnijeg ponuđača

I

Najpovoljnijem ponuđaču IT SYSTEMS d.o.o. Sarajevo, broj ponude: 01-183/2020 od 28.07.2020. godine, u postupku javne nabavke mail servera i operativnog sistema za potrebe Fonda za zaštitu okoliša Federacije BiH, dodjeljuje se ugovor o nabavci mail servera i operativnog sistema za potrebe Fonda za zaštitu okoliša Federacije BiH, u iznosu od 20.400,00 KM bez PDV-a.

II

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 01-04-2-60/2020 od 05.03.2020. godine. Javna nabavka je sprovedena putem postupka konkurentskog zahtjeva za dostavu ponuda. Ukupna procijenjena vrijednost javne nabavke bila je 27.000,00 KM bez PDV-a.

Obavještenje o nabavci broj: 1382-7-1-28-3-10/20 objavljeno je na e-Portal javnih nabavki dana 07.07.2020. godine u 10:29 sati, dok je na osnovu člana 9. stav (5) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, broj 90/14 i 53/15), Poziv za preuzimanje tenderske dokumentacije u sistemu „E-nabavke“ upućen sljedećim privrednim subjektima putem e-maila:

- VERSO d.o.o. Sarajevo, info@verso.ba;
- QSS d.o.o. Sarajevo, sales@qss.ba;
- PING d.o.o. Sarajevo, info@ping.ba;
- COMTRADE SYSTEM INTEGRATION d.o.o. Sarajevo, info.si.bih@comtrade.com.

Tendersku dokumentaciju, broj: 01-04-2-2015/2020 od 00.07.2020. godine (u daljem tekstu: tenderska dokumentacija) preuzelo je 29 (dvadesetdevet) ponuđača, dok su ponude u skladu sa provedenim postupkom javne nabavke dostavili sljedeći ponuđači:

	Broj protokola	Naziv/ime ponuđača	Datum i sat prijema
1.	U-04-2478/2020	IT SYSTEMS d.o.o. Sarajevo	28.07.2020. u 9:26h
2.	U-04-2479/2020	GENERAL ENGINEERING d.o.o. Sarajevo	28.07.2020. u 9:57h
3.	U-04-2480/2020	DIGITARIJA d.o.o. Sarajevo	28.07.2020. u 10:30h
4.	U-04-2481/2020	COMTRADE SYSTEM INTEGRATION d.o.o. Sarajevo	28.07.2020. u 10:59h
5.	U-04-2482/2020	TIME CODE d.o.o. Sarajevo	28.07.2020. u 11:18h
6.	U-04-2483/2020	IMTEC d.o.o. Sarajevo	28.07.2020. u 11:41h

Krajnji rok za prijem ponuda bio je 28.07.2020. godine do 12:00 sati.

Komisija za javnu nabavku imenovana Rješenjem o imenovanju komisije, broj: 01-04-2-218/20 od 22.07.2020. godine (u daljem tekstu: Komisija) pristupila je javnom otvaranju ponuda dana 28.07.2020. godine u 12:15 sati, te je konstatovala da su dostavljene ponude navedenih ponuđača blagovremene i prihvatljive, o čemu je sačinila Zapisnik o otvaranju ponuda, te kopiju istog dostavila navedenim ponuđačima putem e-maila u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponuda na zatvorenoj sjednici, te je nakon izvršenog pregleda i ocjene istih utvrdila da:

- ponuda ponuđača IT SYSTEMS d.o.o. Sarajevo, broj ponude: 01-183/2020 od 28.07.2020. godine sa ponuđenom cijenom u iznosu od 27.000,00 KM bez PDV-a i ponuđenim brojem dana za isporuku predmeta nabavke od 30 dana, ispunjava sve uslove propisane u tenderskoj dokumentaciji;
- ponuda ponuđača GENERAL ENGINEERING d.o.o. Sarajevo, broj ponude: 239T2202-PON0001-20 od 20.07.2020. godine sa ponuđenom cijenom u iznosu od 26.832,71 KM bez PDV-a i ponuđenim brojem dana za isporuku predmeta nabavke od 15 dana, ispunjava sve uslove propisane u tenderskoj dokumentaciji;
- ponuda ponuđača DIGITARIJA d.o.o. Sarajevo, broj ponude: 0165/20 od 24.07.2020. godine sa ponuđenom cijenom u iznosu od 27.000,00 KM bez PDV-a i ponuđenim brojem dana za isporuku predmeta nabavke od 29 dana, ispunjava sve uslove propisane u tenderskoj dokumentaciji;
- ponuda ponuđača COMTRADE SYSTEM INTEGRATION d.o.o. Sarajevo, broj ponude: P-20-125 od 28.07.2020. godine sa ponuđenom cijenom u iznosu od 26.993,01 KM bez PDV-a i ponuđenim brojem dana za isporuku predmeta nabavke od 15 dana, ispunjava sve uslove propisane u tenderskoj dokumentaciji;
- ponuda ponuđača TIME CODE d.o.o. Sarajevo, broj ponude: 10/2020 od 28.07.2020. godine sa ponuđenom cijenom u iznosu od 26.968,00 KM bez PDV-a i ponuđenim brojem dana za isporuku predmeta nabavke od 3 dana, ispunjava sve uslove propisane u tenderskoj dokumentaciji;
- ponuda ponuđača IMTEC d.o.o. Sarajevo, broj ponude: 02192/20-2 od 27.07.2020. godine sa ponuđenom cijenom u iznosu od 26.995,00 KM bez PDV-a i ponuđenim brojem dana za isporuku predmeta nabavke od 15 dana, ne ispunjava sve uslove propisane u tenderskoj dokumentaciji.

Ugovorni organ je u tački 3.1. tenderske dokumentacije propisao da su ponuđači dužni u svrhu dokazivanja lične sposobnosti dostaviti izjavu ovjerenu kod nadležnog organa (općina, sud ili notar), a obrazac izjave se nalazio u prilogu tenderske dokumentacije (Aneks III).

Nadalje, Ugovorni organ je u tački 3.5. tenderske dokumentacije propisao da su ponuđači dužni dostaviti ispunjenu i kod nadležnog organa ovjerenu pismenu izjavu o ispunjenosti uslova iz člana 52. Zakona koja je data u prilogu tenderske dokumentacije (Aneks IV).

U slučaju da se u ponudi ne dostave gore navedeni dokazi (dokumenti) ili se ne dostave na način kako je naprijed traženo, ponuđači će biti isključeni iz daljnjeg učešća zbog neispunjavanja navedenih uslova za kvalifikaciju.

Na osnovu rezultata pregleda i ocjene ponuda, ponuđač IMTEC d.o.o. Sarajevo, broj ponude: 02192/20-2 od 27.07.2020. godine isključuje se iz daljnjeg postupka nabavke zbog neispunjavanja uslova za kvalifikaciju.

Naime, uvidom u ponudu ponuđača IMTEC d.o.o. Sarajevo, na strani 17 do 19 ponude, Komisija je utvrdila da je navedeni ponuđač dostavio Izjavu o ispunjenosti uslova iz člana 45. stav (1) tačke a) do d) Zakona o javnim nabavkama („Službeni glasnik BiH“, broj 39/14) od 27.07.2020. godine. Nadalje, uvidom u ponudu ponuđača IMTEC d.o.o. Sarajevo, na strani 41 do 43 ponude, Komisija je utvrdila da je navedeni ponuđač dostavio Pismenu izjavu iz člana 52. Zakona o javnim nabavkama od 27.07.2020. godine.

Također, uvidom u dostavljenje izjave ponuđača, Komisija je utvrdila da su obje izjave popunjene podacima ovlaštene osobe za zastupanje ponuđača, a koja osoba je upisana u sudski registar kao ovlaštena osoba za zastupanje ponuđača. Uz to, Komisija je utvrdila da su obje izjave ovjerene dana 28.07.2020. godine od strane nadležnog organa – Općine Novi Grad, broj ovjere: 3420 na ime predstavnika ponuđača Mulaosmanović Naide kao potpisnika navedenih izjava, a na osnovu punomoći broj: 3411/20 NG, međutim ponuđač je propustio u svojoj ponudi dostaviti punomoć na ime osobe koja je potpisala izjave iz člana 45. i 52. Zakona o javnim nabavkama.

S tim u vezi, uzimajući u obzir da navedeni ponuđač nije dostavio tražene dokaze na odgovarajući način, to je Ugovorni organ dužan u skladu sa članom 68. stav (1) Zakona odbaciti ponudu ponuđača IMTEC d.o.o. Sarajevo.

Tačkom 5.11. tenderske dokumentacije Ugovorni organ je odredio da će se nakon prijema, otvaranja i analize ponuda provesti e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16).

Nadalje, Ugovorni organ je u skladu sa uslovima tenderske dokumentacije, a nakon ocjene prihvatljivosti pristiglih ponuda, dana 29.07.2020. godine u 11:16 sati zakazao e-aukciju putem sistema eNabavka na web stranici www.ejn.gov.ba za dan 03.08.2020. godine u 11:00 sati.

Dana 03.08.2020. godine okončana je e-aukcija u trajanju od 50 minuta, te je Ugovorni organ dobio obavijest Agencije za javne nabavke BiH o uspješno završenoj e-aukciji i najpovoljnijem ponuđaču.

S tim u vezi, daje se konačna rang lista ponuđača, te se utvrđuje slijedeći redoslijed ponuda:

R.br.	Naziv ponuđača	Konačna cijena u KM bez PDV-a	Konačni rok isporuke u danima	Konačni ukupan broj bodova	Konačni rang
1.	IT SYSTEMS d.o.o. Sarajevo	20.400,00	15	96,00	1
2.	COMTRADE SYSTEM INTEGRATION d.o.o. Sarajevo	20.493,00	15	95,56	2
3.	GENERAL ENGINEERING d.o.o. Sarajevo	24.000,00	10	82,25	3
4.	TIME CODE d.o.o. Sarajevo	26.968,00	3	76,86	4
5.	DIGITARIJA d.o.o. Sarajevo	26.600,00	29	73,37	5

Nakon provedenog postupka provjere kvalifikacije ponuđača i ocjene ponuda, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda, broj: 04-2-62/20 od 06.08.2020. godine koji ujedno predstavlja i Izvještaj o radu Komisije, zajedno sa Preporukom o dodjeli ugovora ponuđaču, broj: 04-2-63/20 od 06.08.2020. godine.

Uzimajući u obzir rezultate provedenog postupka, odnosno činjenicu da je kriterij za izbor najpovoljnijeg ponuđača ekonomski najpovoljnija ponuda, kao najpovoljnija ponuda u predmetnom postupku javne nabavke smatra se ponuda ponuđača IT SYSTEMS d.o.o. Sarajevo, te se ugovor o nabavci mail servera i operativnog sistema za potrebe Fonda za zaštitu okoliša Federacije BiH dodjeljuje ponuđaču IT SYSTEMS d.o.o. Sarajevo, broj ponude: 01-183/2020 od 28.07.2020. godine sa ponuđenom konačnom cijenom u iznosu od 20.400,00 KM bez PDV-a i ponuđenim brojem od 15 (petnaest) dana kao rokom za isporuku robe.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema ove odluke.



Dr.sci.oec. Fuad Čibukčić,
v.d. direktora

Dostaviti:

- ponuđačima
- Sektor za finansije
- a/a